

MME ANAM-UTOM OTỌ KIET YE ABASI

Utom Mme Apostle 18:24-28; 1 Nwedi Corinth 1:11, 12; 3:4-9

OYỌHỌ UKPEP-NKPO 337

Eke Mkparawa

IKỌ IBUOT: “Ntre nko, nnyin, emi iwakde, idi ikpohidem kiet ke Christ, nnyin kpukpru inyuñ idi ndido inọ kiet eken” (Nwedi Mbon Rome 12:5).

Emenere Apollos Ewut

Ke ini emi Paul Apostle okodude ke Jerusalem, Apollos ama aka ufok Abasi ke Ephesus, enye ekedi okworo-ikọ Abasi emi okotode ke Alexandria, ke Egypt edi. Enye ikedighe owo-mbet Jesus, ndien ukworo-ikọ esie ke akpa ikedighe ukem nte eke Paul, Peter, Barnabas, ye Nditọ Abasi efen emi ekedikworo-ede ikọ ke Ephesus. Apollos ekedi owo Jew, ama onyuñ otim ofiok ikọ Abasi; edi enye ikokworo-ede ikọ-Abasi nte mme Pharisee, mme okpono Abasi ke ido mme Jew emi ekeyirede ke ndikworo ibet ikpoñ. Apollos ama okop ukworo-ikọ John oduok-owo-mmọñ ama onyuñ onim ke akpanikọ se enye okokopde.

John ama okworo ete: “Mbufo ekabare esit; koro ubon Heaven ke ekpere” (Matthew 3:2). Ke mme ukpep-nkpo Apollos enye ama ofiok ete ke Messiah ekenyene ndidi; edi akpanikọ ke enye ama onyuñ okot ke ntiñ-nnim-ikọ Isaiah nte ke John oduok-owo-mmọñ eyedi nte “Uyo andifiori ke desert, ete, mbufo edion usuñ Jehovah, enenere okpo-usuñ enọ Abasi nnyin ke Wilderness” (Isaiah 40:3). Ke ntre ke ini Apollos okopde ukworo-ikọ John, enye onim ke akpanikọ.

Ekeme ndidi Apollos okodu ke Egypt ke ini utom Jesus, ikonyuñ ifiokke ite ke Jesus ama edi nte Messiah oro, ndien ke ema ewot Enye ke kros, ke Enye ama otonọ ntak eset. Mme mbuk ikasuanake usop-usop ke ini oro nte edide idaha emi. Nko nko, mme Jew emi ekedide mbon usua Christ ikoyomke mbuk oro asuana ndomo kiet.

Ekpep Apollos Ofon Akan

Aquilla ye Priscilla, emi ekenamde utom ye Paul emi ekenyuñ esuhore ke Ephesus, ema ekop inem ke ukworo-ikọ Apollos. Enye ama enyene “ifiopesit ke Spirit, etiñ onyuñ ekpep mme owo nkpo abaña Jesus.” Enye okokworo ofuri se enye okofiodke, inyuñ ikpuhokere ye se Paul okokworo-ede. Edi enye ikofiodke ite ke akwa nkpo-ntibe emi enye eketinde ete ke eyesop otibe ama adada itie. Jesus ama ededi onyuñ akpa, ama onyuñ otonọ ntak eset.

Aquilla ye Priscilla ema eda enye enyoni ufok mmọ onyuñ “etim eyarare usuñ Abasi enọ enye”. Edi akpanikọ ete ke mmọ ema etiñ enọ enye se Paul okokworo-ede, ete ke Christ ama akpa ke kros nte ufak ke abaña idiok-nkpo, ama onyuñ otonọ ntak eset, ayarare idaha Esie nte Abasi. Ebiet ekededi emi Paul ekedikade enye okokworo abaña Andinyaña emi ekesetde onyuñ ekemede ndibiat odudu idiok-nkpo, emi edinyuñ anyanade kpukpru owo eke ekotde Enye ke mbuotidem ye erikabare esit.

Ema Enyime Mbuk Oro

Okposuk edi nte Apollos ekedide akamba okworo-ikọ Abasi ndusuk enye ama enyene ediwak owo emi eketienede enye, enye ama akpañ uton ye inemesit onọ mbuk emi Aquilla ye Priscilla eketinde. Mmọ ekedi mme anam ufok ofon, edi enye ama odionọ ete ke mmọ ema enyene odu uwem etop ndien enye ama obọ etop oro. Ye esit owo emi anamde akpanikọ ifinake mme anie owo etiñ onọ enye abaña Jesus. Eyen-owon emi ama ekenyene erinyaña ekeme nditiñ mbuk oro ye oyohọ uko ukem nte akamba owo. Afo emeti mbuk ekpri eyen-añwan emi ekemumde emi eketinde onọ Naaman owo akpa-mfia oro abaña anditiñ ntiñ-nnim ikọ ke Israel. Enye ekedi ekpri eyen-añwan ye ofin, edi enye ama ofiok abaña odudu Abasi Israel, ikonyuñ ikopke ndik nditiñ mbaña Enye.

Apollos Aka Isañ

Ke ema ekenyene ediwak mboho ke Ephesus, Apollos ama aka ke Greece ndikworo ikọ, ndien

Nditọ Abasi ema enọ enye n̄wed etiñ ete ke Apollos ọkọkwọrọ akpanikọ, ukem nte mmọ ekekopde eto Paul. Paul okonyuñ ọbọ etop oro oto Heaven.

Ọkọfọn didie ete ke Apollos ama ada utibe enọ udọn-ikọ esie anam n̄kpọ ndinọ Abasi ubọñ! Enye ama ọfiọk ikọ-Abasi, n̄ko, ke ntre ama enyene ukeme ndikpe ye mme owo ete ke Jesus ke akpanikọ ekedi Christ. Spirit Abasi ama eti enye kpukpru se enye ekekpepde ke edem, onyuñ ayarare ọnọ enye nte Iko Abasi oro okosude.

Eneni

Apollos ama ọkwọrọ ikọ ke Corinth, ebiet efen emi Paul Apostle ọkọkwọrọde ikọ. Mme owo ema enim ukwọrọ ikọ esie ke akpanikọ enyuñ ema enye ke abaña akpanikọ emi enye akasuande. Edi mfina ama adaha ada koro ndusuk owo ema emek Paul Apostle ekan Apollos, ndien ubahare ama odu ke ufọk-Abasi.

Paul ama ewet n̄wed ọnọ ufọk-Abasi ke Corinth onyuñ ọdọhọ mmọ ete ke mmọ ema enam se minenke. Mmọ ekpenyene ndikpañ utọñ nnọ etop emi abañade Jesus, enyuñ ekere ebaña Enye, akan nditim ndọñ enyiñ ke andikwọrọ ikọ.

Paul ikoyomke ndiwọñre esit mme owo nnọ idem esie. Kpukpru ini enye ekemenere Jesus ke enyọñ: enye n̄ko ama onyime ete ekpedianare imọ ke Christ nte n̄kpọ-nsobo, edieke akam edide ke mme Jew eyenyene erinyaña. Enye eketiñ ọnọ mbon Corinth ete: “Edi ami Paul ke idem mi nda ifure-ifure ido ye mmem-ido Christ nnọ mbufo uyo – ami emi ndide owo nsuk idem ke iso mbufo, ke ini ndude ye mbufo, edi nsọñde inua ye mbufo, ke ini mmenduhe ye mbufo: edi mmekpe mbufo ubọk nte, ke ini ndide ke ọtọ mbufo, n̄kusọñ inua ye mbufo” (2 N̄wed Corinth 10:1, 2). Enye eketiñ, ikọ ye “akwa uko,” ọkpuhọre ye udọn-iko Apollos, edi odudu Abasi ama odu enye ke idem Abasi ama onyuñ ada utom esie anyaña mme ukpọñ.

Mme n̄wed iduhe ke ererimbot emi ekponde ekan eke Paul Apostle. Abasi ekekeme ndida enye nnam n̄kpọ koro enye okosuhọrede idem esie onyuñ ọnọ Abasi ubọñ ke kpukpru se ikadade itie ke utom ukwọrọ-ikọ esie.

Paul ama obup ete: “Apollos edi nso? Paul onyuñ edi nso? Mmọ edi mme isuñutom, emi okotode mmọ mbufo enim ke akpanikọ, nte Ọbọñ ọnọde mmọ kiet kiet” (1 N̄wed Corinth 3:5). Mmọ ekedi mme inua emi Edisana Spirit ekebede ke mmọ etiñ. Mmọ eketiñ Iko emi Abasi ọkọnọde mmọ nditiñ. Owo ndomo kiet ikpekenyeneke erinyaña ito ke ukwọrọ ikọ Paul mme Apollos edieke Spirit Abasi mikpadaha ubiom-ikpe idiọk-n̄kpọ ituk esit. “Edi Spirit anam owo odu uwem: obukidem inọhọ owo baba udori kiet” (John 6:63).

Enyaña Eto Ke Enyiñ Jesus

“Enyiñ baba kiet efen inyuñ iduhe eke enọde ke otu owo ke idak ikpa enyọñ eke enyenede ndida nnyaña nnyin” (Utom Mme Apostle 4:12). Itiat-idak isọñ ukwọrọ ikọ ofuri Nditọ-Abasi edi idaha Christ nte Abasi. Odudu ndomo kiet ikpokoduhe ke enyiñ oro ikan enyiñ anditiñ ntiñ-nnim ikọ me akamba ọkwọrọ-ikọ ekededi edieke Jesus mmikpokotoho Abasi. Paul ọkọdọhọ ete, “Edieke mikanamke Christ eset ke mkpa, se nnyin ikwọrọde ọwọrọ ikpikpu” (1 N̄wed Corinth 15:14). Ke ikọ efen, edieke Jesus mikedighe edisana Eyan Abasi, ufọn ikpoduhe ndikwọrọ ikọ ke enyin Christ. Edi Christ ama eset ke mkpa ye ikpohidem ubọñ, ndien ikpohidem ofuri Nditọ-Abasi akpanikọ emi ekpañade ke ukem mbuqtidem oro eyenam mmọ etọñ ntak edu uwem ke ukem usuñ oro “ke mbiet idem Esiemọ emi enyenede ubọñ”.

Paul ama etiñ abaña Jesus ọnọ Mbon Rome ete “edi ke spirit Esie emi edide ata edisana, eriset emi Enye esetde ke mkpa ama owut ke odudu ete Enye edi Eyan Abasi” (N̄wed Mbon Rome 1:4). Enye ama ayarare idaha Esie nte Abasi ke ndiyak uwem Esie nduok nnyuñ ntọñ ntak mbọ nda, n̄kpọ eke akanam baba anditiñ ntiñ-nnim ikọ, oku mme edidem ererimbot kiet mikemeke ndinam.

Paul, Apollos, ye Peter (emi ekekotde Cephas ke itie enye emi) ema ekwọrọ mme isọñ akpanikọ emi edude ke Eti-mbuk, ndien mme owo ema ekpañ utọñ ye idaresit enọ mmọ kiet kiet oto ke nsio-nsio usuñ

emi mmọ ekedade etiñ mme akpanikọ emi. Kpukpru se mmọ ekekwoṛode ekedi edibọp ufọk-Abasi. Mmọ ekeyom ndiñwam mme owo man ebeñe idem ndisobo ye Jesus, mmọ ikonyuñ ikwoṛoke ikọ ndida ubọñ nnọ idem mmọ.

Utom Eke Enyenede Kpukpru Owo

Ifet odu ọnọ ofuri mme asaña-utom Abasi ndinam utom, ntak inyuñ iduhe owo ndifube kiet eken ufup. (Ke akpanikọ, edieke ufup odude, owo oro ama ọduọk spirit Abasi). Kpukpru mme ọkwọṛọ ikọ Abasi enam utom ke abaña ñkpọ kiet. Owo kiet eyetọ mkpasip Eti-mbuk, ndien owo efen ye ukwoṛọ-ikọ esie eyebọk mkpasip oro ke mmọñ. Nte ini osuk akade, iñwañ eke spirit oro ekeme ndiyom esio mbiet enọ enye. Ekeme ndidi ukwoṛọ ikọ Abasi efen eyewut mme “mbiet” ke uwem owo emi anade nte ewubede efep. Adaña nte ọkwọṛọ-ikọ Abasi ọkwọṛode ofuri uyo Abasi, onyuñ odude uwem ekem ye se enye ọkwọṛode, isioho ñkpọ ndomo kiet ifep mme ndisuhọre idaha akpanikọ, enye edi asana-utom Abasi enyuñ enyene ndikpañ utọñ nnọ enye nnyuñ nyime utom esie, ikọñọke mme enye edi anie owo.

MME MBUME

1. Anie ekedi Apollos?
2. Apollos okoto ke mmọñ edi?
3. Didie ke enye ọkọkwọṛọ ikọ ke Ephesus?
4. Nso ke Aquilla ye Priscilla eketiñ enọ Apollos?
5. Nso ikedi eneni ke Corinth?
6. Nso ke Paul eketiñ ke ñwed esie ọnọ mbon Corinth abaña idem esie ye utom Apollos?
7. Nso ikedi ibuoṛ ukwoṛọ ikọ Paul ye Apollos?